

von Wulf Wager

## Ovrschämt



Dia Welt isch so schlecht, so ekelhaft ond abstoßend wor-  
da, dass oim bloß 's große  
Kotza komma mecht. Koin  
A'stand meh, wo mr na guggt.  
Do brauchsch garnet noch  
Amerika schiele, do bisch do-  
hanna bei ons genauso drbei.  
Ibrall isch Betrug ond Kor-  
ruption, Bestechung ond  
Bschiss. Des hält'sch jo net  
aus. Was isch bloß aus ons  
Deutsche ond vor allem aus

ons Schwoba worda. Mir warat doch amol des a'ständige  
Rückgrat vom Land, die moralische Inschdanz schlecht-  
hin. Ond jetzt so ebbes:

Mir hot mr heut a wilde Nacht mit ra extrem heiße schwe-  
discha, großbusig ond nimfomana Blondine abotta. Em  
Tausch drfier hätt i sotta für en neue Badreiniger dohanna  
en meira Kolumne Werbung macha.

I han des nadierlich abglehnt, weil ich moralisch gfescht-  
tigt ond wirklich guat vrheiratet ben. Außerdem ben i  
stark, wenn's om Vrsuchunga aller Art, aber bsonders dr  
weiblicha Spezies goht.

Genauso stark wie Axxon-Badrein, der flüssige Badreini-  
ger mit neuer Fettlöseformel in der praktischen 1,5 Liter-  
wiederkompostierbaren Schnabelflasche mit Kindersi-  
cherheitsverschluss. Jetzt au mit Zitrona - ond Vanilleduft.

Bis näggschd Woch'

Ihr